

# Reglur um styrki til nema í leikskólakennarafræðum í Hveragerði

Reglur þessar gilda eingöngu fyrir starfsfólk leikskóla Hveragerðisbæjar sem hyggjast stunda fjarnám í leikskólakennarafræðum á háskó astigi.

Markmið námstengdra styrkja er að fjölga leikskólakennurum í leikskólum Hveragerðisbæjar og stuðla að hærra menntunarstigi á meðal starfsfólks í leikskólum Hveragerðisbæjar. Tilgangurinn er að efla faglegt starf innan leikskólanna og auka stöðugleika í starfsmannahaldi í þeirra.

## 1. grein

Styrkhæft nám er:

Diplómanám í leikskólafræðum í háskóla; 120 einingar, bæði staðbundið nám og fjarnám.  
Leikskólakennaranám B.Ed 180 einingar bæði staðbundið nám og fjarnám.  
Leikskólakennarafræði, M.Ed, 120 einingar (veitir rétt til leyfisbréfs).  
Framhaldsnám til M.Ed fyrir starfandi leikskólakennara, 120 einingar.

## 2. grein

Umsækjandi skal eiga lögheimili í Hveragerði og hafa unnið á leikskólum Hveragerðisbæjar samfelld í eitt ár áður en sótt er um styrk, í að lágmarki 75% stöðu. Bæjarráð Hveragerðisbæjar getur veitt undanþágu frá þessu skilyrði að fengnum rökstuðningi umsækjanda.

Umsókn um styrk skal berast bæjarráði mánuði fyrir upphaf haust- eða vorannar á þar til gerðu umsóknareyðublaði sem finna má á heimasíðu Hveragerðisbæjar og hjá leikskólastjórum.

Í umsókninni skulu koma fram nákvæmar upplýsingar um fyrirhugað nám, námstíma og starfsferil umsækjanda. Ber umsækjanda að skila staðfestingu um skólavist með umsókninni eða strax og staðfesting liggur fyrir. Sé umsókn staðfest gera leikskólastjórar sérstakan skriflegan samning við viðkomandi starfsmann, sem gildir í eitt ár í senn.

## 3. grein

Stuðningur við nema er fjölþættur og felst í eftirfarandi:

- Aðgangur að vinnuherbergi í leikskólanum með aðgangi að tölvum, prentara og ljósritunarvél eftir að vinnudegi lýkur og um helgar.
- Launað námsleyfi vegna mætinga í staðbundinn hluta námsins og í verknám í allt að sjö vikur á hverju skólaári. Ávallt skal leitast við að verknám fari fram á leikskólum Hveragerðisbæjar.
- Nemar fá launuð leyfi á á orófdögum enda tilkynni þeir leikskólastjóra um próftöflu um leið og hún liggur fyrir.
- Eingreiðslur í lok haust- og vorannar hafi nemi staðist áætlaða námsáætlun (75.000,- í hvert sinn). Eingreiðslum er æt að að mæta að einhverju leyti kostnaði sem verður til vegna námsins, svo sem skólagjöldum, bókakaupum og akstri.

Ofangreindur stuðningur er bundinn við að minnst 10 ECTS einingar séu staðnar á hverri önn. Eingreiðslur eru greiddar út í lok hvernar annar þegar ljóst er að krafa um umræddar einingar er uppfyllt.

#### 4. grein

Stuðningur við nema getur verið í allt að 7 ár m.v. 180 eininga nám. Ef að nemi hættir í námi og/eða í starfi að námi loknu áður en skuldbundnum starfstíma er lokið hefur Hveragerðisbær heimild til þess að krefjast endurgreiðslu á veittum styrk. Tefjist nám vegna sérstakra aðstæðna er hægt að óska eftir framlengingu á stuðningi við bæjarráð. Upplýsingum um námsframvindu hvern annar skal komið reglulega til leikskólastjóra

#### 5. grein

Styrkþegi skuldbindur sig til að starfa við leikskóla Hveragerðisbæjar í a.m.k. tvö ár eftir að námi lýkur hafi hann verið þar starfsmaður á námstíma. Starfshlutfall þarf að vera minnst 75%. Hætti starfsmaður störfum hjá bænum innan áðurnefnds tíma eða ljúki hann ekki námi, hefur Hveragerðisbær heimild til þess að krefjast endurgreiðslu á veittum styrk frá síðasta skólaári nemans.

#### 6. grein

Fjöldi starfsmanna sem nýtur stuðnings til náms í leikskólakennarafræðum ræðst af þörf Hveragerðisbæjar fyrir faglært starfsfólk á leikskólunum á hverjum tíma, og áskilur bæjarráð sér rétt til að hafna umsóknum. Leikskólastjóri getur hafnað styrkumsókn, hátti þannig til að starfsemi leikskólans beri ekki forföll vegna náms starfsmanna.

Njóti nemi styrkja frá öðru sveita-félagi vegna sama náms á hann ekki rétt á styrk samkvæmt reglum þessum.

Taki starfsmaður fæðingarorlof eða launalaust leyfi, teljast hann ekki vera starfandi, í skilningi ákvæðis þessa, á meðan á leyfinu stendur.

#### 7. grein

Verði verulegar breytingar á fyrirkomulagi fjarnáms eða á persónulegum högum nema getur bæjarstjóri í umboði bæjarráðs veitt frávík frá reglum þessum.

Bæjarráð úrskurðar í álitamálum sem upp kunna að koma við framkvæmd þessara reglna.

#### 8. grein

Reglur þessar eru samþykktar í bæjarstjórn þann 13. september 2018 og öðlast þegar gildi.

  
Aldís Hafsteinsdóttir  
Bæjarstjóri Hveragerðisbæjar

